



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11/03/02-2779-31/22
Sarajevo, 18. 02. 2022. godine

SKUPŠTINA KANTONA SARAJEVO
n/r Elvedin Okerić, predsjedavajući Skupštine Kantona Sarajevo
-Ovdje-

Predmet: Odgovor na zastupničko pitanje, *dostavlja se*

Cijenjeni,

Zastupnica u Skupštini Kantona Sarajevo **Jasna Duraković**, dana 31. 01. 2022. godine, u skladu sa članovima 211. i 214. Poslovnika Skupštine Kantona Sarajevo uputila je zastupničko pitanje Ministarstvu za odgoj i obrazovanje: „Koje aktivnosti je Ministarstvo poduzelo po pitanju obilježavanja 6.februara koji je proglašen kantonalnim Danom borbe protiv vršnjačkog nasilja i šta je konkretno urađeno u cilju prevencije vršnjačkog nasilja u osnovnim i srednjim školama“?

Odgovor:

informišemo Vas da je Ministarstvo za odgoj i obrazovanje svim osnovnim i srednjim školama dostavilo akt broj: 11-03/02-34-2849-4/21 od 01. 02. 2022. godine u kojem se od škola traži realizacija sadržaja koji su u funkciji prevencije vršnjačkog nasilja u periodu **od 7. februara do 18. februara sa učenicima svih uzrasta osnovnih i srednjih škola, u cilju obilježavanja 6. februara kantonalnog Dana borbe protiv vršnjačkog nasilja**. Također, istim aktom od škola je zatraženo da kao i prethodne školske godine obilježe Dan ružičastih majica zadnje srijede u mjesecu februaru (**23. 02. 2022. godine**), kako bi se skrenula pažnja na značaj prevencije i zaštitu učenika od nasilja. Dana 03. 02. 2022. godine školama je dostavljen akt broj: 11-03/02-34-2910/22 u kojem smo pozvali škole da u cilju prevencije nasilja u digitalnom okruženju obilježe **8. februara 2022. godine, Dan sigurnijeg interneta**, koji se na inicijativu Evropske komisije već niz godina obilježava u svijetu i Bosni i Hercegovini, u cilju promovisanja sigurnog i odgovornog korištenja Interneta, informacionih i komunikacijskih tehnologija.

Ministarstvo za odgoj i obrazovanje je 2019. godine nakon realizacije dvije pilot faze Programa sekundarne prevencije neprihvatljivih oblika ponašanja i zaštite učenika u osnovnim školama Kantona Sarajevo (pilot faza 2017. godine i pilot faza 2018. godine) donijelo dva pravilnika Pravilnik o vođenju evidencije o neprihvatljivim oblicima ponašanja i zaštiti učenika („Službene novine Kantona Sarajevo“ broj 29/19) i Pravilnik o načinu i obliku provođenja odgojno-obrazovne podrške i stručnog tretmana („Službene novine Kantona Sarajevo“ broj 29/19).

Navedeni pravilnici propisuju obavezu ranog prepoznavanja neprihvatljivih oblika ponašanja i faktora rizika za dijete i primjenu obaveznih mjera odgojno-obrazovne podrške i stručnog tretmana učenicima u riziku kao i postupanje nastavnika, stručne službe škole, direktora, roditelja/staratelja radi osiguranja sveobuhvatnog razvoja učenika i njihove prilagodbe u društvu. Također, član 63. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20 i 33/21) propisuje obavezu svih učesnika odgojno-obrazovnog procesa prilikom poduzimanja mjera zaštite prava učenika, te o svakom kršenju prava nad učenikom postupanje u skladu sa zakonom i propisanom procedurom, a posebno kada se radi o oblicima tjelesnog ili psihičkog nasilja, spolne zloupotrebe, zanemarivanja ili nemarnog postupanja, zlostavljanja učenika. Isti član Zakona propisuje obavezu škole da postupa u skladu sa Smjernicama za postupanje u slučajevima nasilja nad i među djecom u Bosni i Hercegovini. Nadalje, u Godišnjem programu rada sve osnovne i srednje škole planiraju realizaciju sadržaja koji su usmjereni na prevenciju različitih oblika nasilja nad i među djecom.

U januaru 2022. godine je realizirana edukacija direktora osnovnih i srednjih škola iz oblasti prevencije nasilja/neprihvatljivih oblika ponašanja kao i edukacija pedagoga/psihologa i socijalnih radnika iz oblasti zaštite mentalnog zdravlja učenika i prevencije neprihvatljivih oblika ponašanja učenika.

S poštovanjem,



Dostaviti:

1. Naslovu
2. a/a

